

B. N. C.
FIRENZE
1056
28



1056,28



XXVII
CFR/IE
1703

1050-21

>

25. 25

25. 25

1056 25

THESES THEOLOGICÆ

Q U A S

Illustrissimo, ac Reverendissimo Domino

FABIO OLIVERIO

Apud Sanctissimum Dominum nostrum

CLEMENTEM XI. P. M.

A Secretis Brevium

C O N S E C R A N S

CURS. F. MARIUS BONACHIUSA

Augustinianus ab Enna Siculus

Magister Studii defendendas exponit

Sub Assistentia Admod. Rev. P. Magistri

Dominici Ignatii Cyriaci Romani

IN CONVENTU PP. AUGUST. S. SPIRITUS FLOREN.

Studiorum Regentis.



SENI S, Apud Bonettos, Typis Publici. *Sup. perm.*

Anno 1703. Fantini, & Gatti Typographis.



1056.28

1056.28

1056.28

1056.28

1056.28

1056.28

1056.28

1056.28

1056.28

1056.28

1056.28

1056.28

1056.28

1056.28

1056.28

1056.28

1056.28

1056.28

1056.28

1056.28

1056.28

^{me} ^{me}
Illustr. ac Rev. Domine



Nte illam splendens Majetatem, cui
serviunt Regna, parent Imperia,
humilia respicis, & humilium ani-
mos extollis. Tuæ non sufficeret
Magnitudini, quod Magnus à natura, Magnus à
scientiis, Magnus à virtutibus, Magnus fueris à *Ma-*
ximo constitutus, nisi major Teipso à Teipso fieres
in minimis adjuvandis; hinc mea non timuit humi-
litas, in his Theſibus quarum diſcuſſioni paucos im-
pendi ſe ſe Tibi ſpectandam offerre, ut creſcat Tuo
nomine illuſtrata, & ipſe creſcas eam proprio ful-
gore illuſtrando. Talis es apud *Clementem*, ut ejus
hauriens ſecreta Mundum poſſis illuminare, vel ejus
mentem explicando, vel Tui ipſius mores, & vir-
tutes à tantæ ſublimitatis apice oſtendendo; ibi Te
poſuit Ille. Ubi jam Ille purpuratus Petro ſervivit:
nec aliquid ſplendoris munus deperdidit, quia Tibi
non purpurato traditum: ſatis enim eſt eſſe purpu-
ra dignum. Cardinalis in Te cognovit, quod poſſet

jam Pontifex exaltare : si enim exaltatus Ille fuit ,
quia Deo , & Hominibus placuit , aderas illi Adjutor ,
quando in rebus admirabiliter expediendis
adstabas Auditor , omnes propterea asserere decet ,
non sanguine commotū Te in Regnum vocasse ,
sed quia Illi notum secum posse calicem bibere ,
quem in Altissimo omnium Regimine , gravium
copia agendorum posset offerre . Utinam bono Ecclesiae
ad majora conscendas ! Fructus enim pacis ,
quos praesentia denegant tempora , in domo Dei
plantata reddet *Oliua* , quando in montibus Urbis ,
vel in Urbe montium , instar Cedri Libani apparebit
excelsior . Inter omnes gaudebo , Deo implente
quod suspirant omnes . Interim me , measque
Theses Illustrissime , ac Reverendissime Domine ,
Tuo Patrocinio subdens , Tibi sincero corde , animoque
devoto venerabundus offero .

D E A N G E L I S :

ID Antur Angeli, quorum Creator est Deus: eos fecit cum universo, condiditque incorporeos; siquis autem corporeos nunc asserat, vel ante Mundi machinam conditos, non propterea aliquid contra fidem profert.

II. Angelorum ordines, qui fuerunt creati in Cœlo Empireo, novem sunt: est inter eos differentia specifica: etsi autem non detur purè numerica tamen quòd nec divinitus multiplicari numero possint non assentimur.

III. Sunt in loco non per substantiam, sed per applicationem virtutis. In duobus simul locis, vel diffitis, vel distantibus, sive adæquatis, sive inadæquatis naturaliter esse non possunt: divinitus possunt etiam in duobus adæquatis.

IV. Cognoscunt propriâ substantiam immediate: alii verò aliorum substantiam Angelorum, non nisi mediis speciebus; quas ab illis non accipiunt. species in intellectu ipsorum eò sunt universaliores, quòd altior est hyerarchia, & ordo.

V. Quæ Angelicam cognitionem naturaliter latent sunt omnia possibilia simul, futura contingentia, nec non liberæ cogitationes, & volitiones, tum Angelorum, tum hominum: has tamen cognoscunt naturaliter, manifestatione secuta.

VI.

6
VI. Alloqui Angelus Angelum potest, siue superioris siue inferioris sit hyerarchiæ. Inferiorem superior illuminat: an autem valeat illuminare superiorem inferior, ratio cur negemus, nulla hucusq; nos urget.

VII. Moveri possunt localiter motu tam continuo, quàm discreto; transire motu continuo ab extremo ad extremum intacto medio, nec per se, nec per accidens possunt: valent autem sic transire motu discreto.

VIII. Omnibus ab initio collata est gratia habitualis, seu habitus charitatis; datum est etiam adiutorium sine quo non: quod si illis defuisset in eis non fuisset possibilis perseverantiæ defectus imputabilis ad culpam.

IX. Licet omnes eorum attempta vi libertatis, potuerint vel mereri, vel demereri, etiam in primo instanti, non tamen singuli postea perseverarunt, vel defecerunt: aliis per liberum arbitrium ruentibus, per idem liberum arbitrium stantibus aliis.

X. Caput eorum, qui per superbiam ceciderunt, supremum Angelorum fuisse nulla certitudine dici potest; plures numero fuisse qui steterunt, quam qui non perseveraverunt constanter asserimus.

XI. Non omnes, qui ceciderunt statim sunt in gehennam detrusi: multis enim in aere, multis in terra, multis in aqua, ad diem usque iudicii datus est locus: gehennæ tamen poena statim post lapsum cruciati sunt.

Bon-

7

XII. Bonorum in bono perseverantia, nec non ad gloriam electio non fuit speciale Dei donum, quemadmodum est in hominibus; malorum autem reprobatio, & obduratio in malo opus justitię fuit. Nullus eorum fuit præsciis proprii finis.

XIII. Tam boni, quam mali, assumere vera corpora queunt, quibus hominibus appareant: non omnes propterea dæmonum apparitiones sunt illusionis sensuum, vel phantasmatum commotione. In illis vera opera vitę exercere non possunt.

XIV. Ex bonis multi dati sunt hominibus ad custodiam, ita ut singulus homo singulum habeat custodem Angelum. An autem quilibet hominum habeat comitantem Angelum malum? ut probabile asserimus, ut probabilius negamus.

XV. Qui steterunt peccare amplius non possunt: hinc non comparebunt in finali Judicio puniendi, ut putavit Origenes. Qui autem ceciderunt non solventur aliquando à poenis, ut idem censuit.

XVI. Obduratio malorum Angelorum in malo non refunditur in angelicę voluntatis naturam, sed in privationem necessarij auxilij ad resurgendum: destituti enim sunt quolibet Dei adjutorio, etiam remoto.

XVII. Est inter dæmones præfectura eo ordine, quo fuerat ante lapsum; nullus eorum præest uni vitio ad tentandum, quia aliis aliisque præesse non

non valeat: victi à tentando non cessant: nec boni ob peccata cessant ab illuminando.

XVIII. Peccati mali Angeli licet ad bonum libertatem non habeant: boni multa libera agunt; quamvis ad malum non habeant potestatem, nec illi dum operantur extra gehennam, à cruciari: neque illi extra coelum occupati à beatitudine vacant.

XIX. Mali Angeli propria virtute vera miracula patrare non possunt, sed tantum ea imitari, etiam ad confirmationem erroris. Uti eis potest Deus ad vera miracula facienda ad comprobendam fidei veritatem.

XX. Artes Magicę ob commercium cum demone prohibite sunt jure naturę. Quare ut digni simus conversare cum Angelis Dei, omnē superstitionis curiositatem abjicere debemus, sola sanctorum contenti conversatione Angelorum.

F I N I S.

2056 28

99 908532

1056.23



